

Zunḡwire á wakita na a puwetaa YUHANNA

Seydire arge Yaisu slevamite shifa

¹ Náwa ḡá aḡkwa puwakurte ba ḡere wakita na, á ndáhá elva á Dadaamiya na á vante shifa a jirire ge emnde na. Kwaye zlaḡe ba duniya keni ḡaaka, amá ḡane ndza aḡkwa. ḡere ndza ḡa cenaa elva am mbuwe-aara ba ge ḡane, ḡa nanna, ḡa zharanaahe an ice á ḡere, ḡa fetehe antara ba erva á ḡere keni áte ḡane.

² A naba jesaarhe ge elva ḡanna á vanta shifa a jirire ge emnde ḡanna á katafke á ḡere á ba am parakkire, daaci ḡa zharanaahe. Adaba una ḡanna, ḡá aḡkwa maga seydire-aara, ḡá aḡkwa ḡalakurá elva á shifa na á zleka na. ḡane ndza á ḡá antara Eddemiya Dadaamiya am samaya. Daaci kina wá, a maramiyansehe ge Dadaamiya áte ice á miya baḡemme.

³ Ba duksa na ḡa naanaa ḡere, antara ḡa cenanaa ḡere na, ḡá ḡalakurá ba una ḡanna, geni kure keni kwá gevge palle antara ḡere, ba seke una gaḡerevge palle antara Eddemiya Dadaamiya, ira Egdza-aara Yaisu *Almasiihu na.

⁴ ḡá aḡkwa puwakurte duksa-aha ḡanna, geni a naatenáhá ervaunḡe á miya an higa.

Dadaamiya ḡane parakkire

⁵ Dadaamiya wá, ḡane parakkire, ḡaaka tabeḡammire ḡekidfeke am tate na aḡkwa ḡane

átekwa. Una ñanna wá, labáre na ña ce-nanaa am mbuwe á Yaisu *Almasiihu geni ñá balakurán ge kure.

⁶ Má mí bánba geni miya antara Dadaamiya jamiyammeje am ervaunđe palle, amá ámbera mí zláá am tabedammire wá, una wá, ma emnde a fida am elva-aha á miya, antara am slera-aha á miya bademme, magamika jirire dekideki.

⁷ Amá má mí zláá an parakkire ba seke una Dadaamiya ñane an parakkire na wá, mi gevge palle, uzhe á Yaisu Almasiihu *Egdza á Dadaamiya á bezamiya haypa-aha á miya bademme.

⁸ Má bamiyánba baaka haypa á miya, una wá, mi kefanaa ba miya ire á miya, baaka jirire á Dadaamiya am ervaunđe á miya dekideki.

⁹ Amá má mi balese haypa-aha á miya á segáshe, daaci Dadaamiya keni á yamiyaareye bademme. Afaba ñane Dadaamiya á jirire, ma a ndaase uwe keni, sey á gevge. Daaci á de gamiyanvege ba ñane ervaunđe á miya dzayye, am kelaa haypa na mi maganaa miya bademme.

¹⁰ Má bamiyánba baaka haypa na mi maganaa miya, una ñanna, amaana: mi faare fidire ge Dadaamiya, eksamiyanteka elva-aara an ervaunđe á miya palle.

2

**Almasiihu a sawa ge se melamiyumele*

¹ Náwa yá puwakurte una-aha na wá, ba geni magauka haypa mázla-aara egdzara-aaruwa.

Amá ma a guwa ware haypa keni, anƙwa slet-samiyemtse am iga áza Eddemiya Dadaamiya, ba ɗane una Yaisu *Almasiihu edda á jirire.

² Adaba ɗane a yaa ba shifa-aara sadake ge miya, lauktu Dadaamiya a yamiyaare haypa-aha á miya. A yamiyaare ba ge miya palle-ka, amá á kátá yateraare ge emnde a duniya bademme.

³ Má mi fansaarefe ge Dadaamiya am shairiya-aha-aara bademme, mi diyeddiye áte una ɗanna geni diyamidiya ɗane.

⁴ Má bánba edda-aara diyaadiya Dadaamiya, amá á fansaareka am elva na a ndahanaa ɗane, edda-aara slefida, baaka jirire-aara.

⁵ Amá edda una ɗanaaɗa elva na á ndahaná Dadaamiya, ámbera á fansaarefe, ba ɗane una wayaawáya an Dadaamiya an ervaunɗe-aara bademme. Daaci mi diyeddiye áte una ɗanna geni gamiyevge emnde á Dadaamiya.

⁶ Má bánba edda-aara ɗane á njá á ba áte vuwa á Dadaamiya, sey a dabetedaba ɗane keni zláláva á Yaisu Almasiihu.

Shairiya á Dadaamiya a jaare áɗwaslire

⁷ Slakate-aha-aaruwa, elva na náwa yá anƙwa puwakurta iya na wá, gevka shairiya na a jaare áɗwaslire á sawa áza Dadaamiya; ba duksa palle antara una kwa cenaná kure zunɗwire. Shairiya ɗanna, kwa cenán kinekineka, ba shairiya á Dadaamiya na kwa cenanaa am fantaufe na.

⁸ Amá ba seke áɗwaslire tsa shairiya á Dadaamiya ɗanna ya puwakurte iya na. Zláláva á Yaisu *Almasiihu, antara ba náza á kure á

kwaramise ba jirire á shairiya ñanna. Anƙwa á zláá tabedammire, samsa parakkire á sem kela-aara.

⁹ Daaci má bánba edda-aara, ñane am parakkire, amá ámbera á maga kelaadire áte egdza emmenjara wá, diyaweddiye geni ñane zlaɓe á ba am tabedammire-aara sem vatena.

¹⁰ Amá edda una wayaawáya an egdza emmenjara, ñane á njá am parakkire, baaka duksa am ervaunɗe-aara na ni á de ja ñane áte unɗule.

¹¹ Amá edda una á maga kelaadire áte egdza emmenjara, ñane zlaɓe á ba am tabedammire sem vatena. Bademme a názena á maganá ñane, á maganá á ba am tabedammire. Máki á zláá, ma á deme keni diyaaka. Adaba á nánka ice ge tabedammire.

¹² Egdzara-aaruwa, náwa yá puwakurte una na wá, adaba yakuraareye Dadaamiya haypa-aha á kure adaba zhera á Yaisu Almasiihu.

¹³ Ekkure dada-aha, yá puwakurte una na wá, adaba diyakurdiya edda una kwaye á ba am fakta á duniya keni, ñane ndza á ba anƙwa. Ekkure dawalaa, yá puwakurte una, adaba shakuránsha midalire arge Shaitaine.

¹⁴ Ekkure egdzara-aaruwa, yá puwakurte una zlaɓe ádaliye, adaba diyakurdiya Eddemiya Dadaamiya. Ekkure dada-aha, yá puwakurte una, adaba diyakurdiya edda una kwaye zlaɓe á ba am fantaufe keni, ñane ndza anƙwa na. Ekkure dawalaa, yá puwakurte una, adaba kwá an ndzedá jipu, ñakurnaana elva á Dadaamiya an ervaunɗe á kure palle, shakuránsha midalire arge slekse á tabedammire.

15 A badakuruka duniya, antara kazlaŋa-aara. Edda una wayaawáya an kazlaŋa á duniya wá, baaka waya-aara ge ŋane áte Eddemiya Dadaamiya.

16 Náwa ŋane zlááva á njá á duniya: emnde tá aŋkwa daba ba názena á kataná ervaunde-aatare. Bademme á názena zharaná itare, tá kátá ma ba á jerje am mba-aatare keni, ámberá tá máráva jipu an názena am erva-aatare ŋanna. Daaci bademme á una-aha ŋanna, kazlaŋa á duniya saaka áza Eddemiya Dadaamiya.

17 Diyaweddiye geni watse á zla duniya, antara názena á duwa ice á emnde amkwa bademme. Amá ge edda una á maga ba názena á kataná Dadaamiya na, ŋane á de njá an shifa ba ge dƣekidƣeki.

*Faufa hyema tá aŋkwa kelaade-aha á Yaisu *Almasiihu*

18 Egdzara-aaruwa, zamane á miya na wá, mi herzhe an zle á duniya. Ba seke una ndza cenakuráncena geni watse tá sawa kelaade-aha á Yaisu *Almasiihu má herzhapteherzhe zle á duniya na wá, ba kina keni kwakya kelaade-aha á Almasiihu jarsaareje, daaci mi dise á ba áte una ŋanna geni mi herzhe an zle á duniya ba jirire.

19 Emnde ŋanna ndza tá á ba am dágave á miya, amá ba jirire garevka palle antara miya dƣekidƣeki. Adƣaba una ŋanna ta naba sesehe am dágave á miya. Ma andze ta palle an miya wá, ma andze tá degasheka am dágave á miya. Amá a de jaare una na wá, ba geni tá diyeddiye átekwa, geni garevka palle antara miya.

²⁰ Amá ge kure, Yaisu *Almasiihu a vakurte Shedekwe Cufedfe. Adaba Shedekwe nanna wá, diyakurdiya jirire bademme.

²¹ Ya puwakurte una na wá, ganakini diyakurka jirireka, diyakurdiya jirire. Zlabe ádaliye, diyakurdiya geni tara fida, antara jirire wá, tá taa jammeka am slede palle.

²² Ware nane una slefida na? Ba edda una eksarka geni Almasiihu na wá, ba nane una Yaisu a eksesaa Dadaamiya geni nane á se lya emnde; ira á fetarka áte Eddemiya Dadaamiya, antara Egdza-aara. Edda-aara wá, ba nane una kelaade á Almasiihu.

²³ Edda una eksarka geni Yaisu *Egdza á Dadaamiya, amaana: baaka Eddeɲara Dadaamiya am nane. Amá edda una eksaarekse geni Yaisu Egdza á Dadaamiya wá, ba nane una Eddeɲara Dadaamiya am nane.

²⁴ Amá kure wá, wawauwáwa geni kwá nanaaɲa an ervaunɲe á kure palle elva nanna kwa cenaanaa am fantaufe na. Má ɲakurnaɲa bademme elva nanna kwa cenaanaa am fantaufe na, kure keni kwá aɲkwa njá áte vuwa á *Egdza á Dadaamiya, ira Eddeɲara Dadaamiya.

²⁵ Náwa *Almasiihu a ɲguɲamiyaa namána ge miya, geni á vamite shifa na á njá ba ge ɲekideki na.

²⁶ Bademme a názena yá puwakurta iya na wá, yá puwakurta arge emnde na tá keɲakurá áte unɲule a jirire na.

²⁷ Amá ge kure wá, Almasiihu a vakurte Shedekwe-aara aɲkwa á ba am kure. Adaba una nanna, kwa baaka an wedera á ura umele ge

mbakurse duksa, adaba Shedfekwe na a vakurtaa Almasiihu na anƙwa am kure, á mbakursá ñane duksa bademme. Duxa ñanna á mbakursá ñane na keni bademme jire, baaka fida am hufe-aara dekideki. Adaba una ñanna, fawansaarefe ba ge ñane am názena á mbakursá ñane bademme, njawinja antara Yaisu Almasiihu.

²⁸ Daaci ba estuwa egdzara-aaruwa, njawinja á ba antara ñane am ervaunƙe á kure, lauktu á de wamika lyáwá, ma zherwe keni ge de katafke-aara vacite na má de samsa ñane.

²⁹ Diyakurdiya geni Yaisu Almasiihu ñane slejirire á Dadaamiya. Daaci diyaweddiye geni, ma a maganaa ware jirire á Dadaamiya keni, ñane keni ba egdza á Dadaamiya.

3

Miya ma egdzara á Dadaamiya

¹ Zharauzhára wáyáva yaikke na á wayamiya Eddemiya Dadaamiya an ñane, haa á dáhámiya an egdzara-aara, ba kina keni gamiyevge ba egdzara-aara ñanna ba jire. Emnde a duniya diyarka geni mi egdzara á Dadaamiya, adaba uwe? Ba adaba diyarka dekideki Eddemiya Dadaamiya ñanna.

² Slákáte-aha-aaruwa, kina wá, gamiyevge egdzara á Dadaamiya ba jirire, amá ma watse mí de geva estara keni diyamika. Názena mi disa miya palle wá, má de saasa *Almasiihu wá, mí de gárava antara ñane, adaba mí de nanna an ice á miya parakke ma estara ñane keni.

³ Ma ware keni edda una a fa tama estuwa áte Yaisu Almasiihu, sey á gevge cudedede: á manka haypa ba seke una nane keni slecudedede.

⁴ Edda una á maga haypa, á maga ba baakire á fansaare ge shairiya á Dadaamiya, adaba má tá fansaareka ge Dadaamiya am shairiya-aara, haypa-nara ba nane.

⁵ Diyakurdiya sawa á Yaisu Almasiihu á sem duniya wá, a sawa geni á se jaminaaja haypa-aha á miya. Nane an ire-aara, maganaaka haypa dekideki.

⁶ Daaci ma ware keni, edda una á njá áte vuwa á Yaisu Almasiihu, sey á yánya mága haypa. Amá edda una á de ba katafke an haypa-aha-aara, amaana: nánka Yaisu Almasiihu, diyaaka Yaisu Almasiihu ba dekideki keni.

⁷ A kedarakuraaka emnde ekkure egdzara-aaruwa. Edda una á maga ba jirire á Dadaamiya, nane slejirire ba seke una Yaisu Almasiihu slejirire na.

⁸ Má ura yánka mága haypa-aha-aara, nane ura á Shaitaine. Adaba Shaitaine nane á gá ba haypa kwaye am fakta á duniya. Una nanna pute á sawa á *Egdza á Dadaamiya á sem duniya, geni á se kedanaakeda slera-aha á Shaitaine bademme.

⁹ Má ware keni má gevge egdza á Dadaamiya á geke haypa mázla-aara, adaba shifa a jirire na a vantaa Dadaamiya na ankwá am nane. Á dzegwánka de katafke an haypa-aha-aara adaba gevge egdza á Dadaamiya.

¹⁰ Náwa názena tá de diyeddiye átekwa garava á egdzara á Dadaamiya, antara egdzara á

Shaitaine: Ma ware keni má á manka jirire á Dadaamiya, nane gevka egdza á Dadaamiya. Ba duksa palle antara edda una wayaaka an egdza emmenara na keni.

Wayaumiyaavewáye an jirire

¹¹ Náwa názena kwa cenanaa kure am fan-taufe á kure ge cena elva á Dadaamiya, a ba nane: sey mi wayaavewáye am dágave á miya.

¹² Gawamiyevka seke Kayinu na nane ndza ura á Shaitaine slemándzawe na, nane a naba ja shifa á egdza emmenara ba ge nane. A janaa adaba uwe shifa-aara? Adaba bademme á názena ndza a maganaa Kayinu nanna, ndza shagerka, amá náza á egdza emmenara wá, ndza shagera.

¹³ Egdzar mama-aha-aaruwa, máki emnde a duniya tá fá kelaadire áte kure wá, magauka najipu-aara.

¹⁴ Miya kina wá, diyamidiya geni jamiyaaveje am tate a emtsa, shamiyánsha shifa-aha á miya. Mi dise estara una nanna? Mi dise adaba wayamiwáyá egdzar mama-aha á miya. Edda una wayaaka an egdzar mama-aha-nara wá, nane zlafe tegaraaveka an emtsa.

¹⁵ Ma ware keni, edda una á magante kelaadire ge egdza emmenara, nane ta ba kalkale antara sleceba shifa á emnde. Diyakurdiya geni sleceba shifa wá, nane zlafe shánka shifa na á nja ba ge dekideki na am nane.

¹⁶ Yaisu *Almasiihu wá, nane wayamiwáya. Am a sawhe, a se yaa ba shifa-aara adaba miya. Mi dise áte una nanna wáyáva a jirire áte emnde

umele. Daaci miya keni shagera mi yánya ba shifa á miya keni adaba egdzar mama-aha a miya.

¹⁷ Amá ma ware keni má gevge berba an nalmáne á duniya na, á zhára egdza emmenjara am baakire, aley zanvaareka, daaci á ndahaná estara geni wayaawáyá an Dadaamiya?

¹⁸ Egdzar mama-aha-aaruwa, estuwa, wayawamiyaaveka á ba an we, amá wayawamiyaavewáye á sawa am ervaunđe, ámberá mi emmága an jirire.

Egdzara á Dadaamiya tá de gazleka á katafke-aara

¹⁹ Názena kwa cenanaa kure na, mi diyed-diye átekwa geni ma egdzara á slejirire; zlabé adaliye, ervaunđe á miya keni an ekhya á katafke-aara.

²⁰ Ma anƙwa á ndamindáhá deme ervaunđe á miya geni mi magaa haypa keni, ervaunđe á miya á njá á ba an ekhya á katafke á Dadaamiya, adaba yaikke ba Dadaamiya arge ervaunđe á miya. Njane diyaadiya duksa bademme.

²¹ Daaci slakate-aha-aaruwa, má ba jirire á dzegwánka ervaunđe á miya ge mbedamiya an shairiya wá, daaci a gazleka ervaunđe á miya ge de katafke á Dadaamiya mázla-aara.

²² Bademme á názena mi njalanaa miya ázenjara keni á vamiteva, adaba má anƙwa fansaare ge shairiya-aara, antara mi maga názena á kataná njane bademme.

²³ Náwa shairiya-aara ñanna: Mi fetaare áte Egdza-aara Yaisu *Almasiihu, antara mi wayaavewáye ba seke una a ndaamiya ñane.

²⁴ Slefansaarefe ge Dadaamiya am shairiya-aara maa, ñane slenjá á ba áte vuwa á Dadaamiya, Dadaamiya keni anƙwa antara ñane. Diyamidiya geni anƙwa Dadaamiya antara miya, adaba á baminá ba Shedekwe-aara na a famimaa ñane am ervaunƙe.

4

*Lawanaale tara Shedekwe á Dadaamiya antara shedekwe á kelaade á *Almasiihu*

¹ Slakate-aha-aaruwa, má dámnda ura á dezekure, a ba ñane á ndáhá elva an hákuma á Shedekwe á Dadaamiya wá, fawtaareka watsawatse, amá lawanaale emtsaade, bi Shedekwe á Dadaamiya á jirireka una am ñane, amá názá kelaade-aara. Yá ndahaná adaba uwe una? Adaba tá anƙwa nabi-aha fida kwakya am duniya.

² Náwa názena ni kwá dise edda una an Shedekwe á Dadaamiya átekwa: Máki bánba edda-aara geni samsa Yaisu *Almasiihu á sem duniya, a se gev urimagwe wá, ñane an Shedekwe á Dadaamiya jirire.

³ Amá má kwalevkwále edda-aara ge ndáhá una áte Yaisu Almasiihu wá, shedekwe na am ñane na saaka áza Dadaamiya, ñane an shedekwe á kelaade á Almasiihu. Shedekwe ñanna wá, ndza kwa cenáncena geni á de sawa. Ba kina keni ñane anƙwa á ba am duniya.

⁴ Amá kure egdzara-aaruwa, kwa emnde á Dadaamiya, shakuránsha midalire arge nabi-aha á fida ñanna. Adaba Shedekwe na am ervaunđe á kure na jauje ge shedekwe na am ervaunđe á emnde a duniya na an ndzedá.

⁵ Nabi-aha fida ñanna wá, itare ta náza-aha á duniya. Adaba una ñanna tá ndáhá ba elva á duniya, daaci emnde a duniya keni tá cenatervaarecene.

⁶ Amá miya wá, mi emnde á Dadaamiya. Edda una diyaadiya Dadaamiya wá, á cena elva á miya keni. Amá edda una gevka ura á Dadaamiya wá, á ceneka elva á miya. Mí laná estuwa edda una an Shedekwe á slejirire, an edda una an shedekwe á keda emnde.

Dadaamiya á mbamise wáyáva jirire áte emnde

⁷ Slakate-aaruwa, wayaumiyaavewáye am dágave á miya. Adaba á maganá ba Dadaamiya geni tá wayaavewáye emnde am dágave-aha-aatare, antara tá wáyá ñane keni. Má mi wayaavewáye áte una ñanna, una ñanna á mára una ni gamiyevge egdzara á Dadaamiya, diyamidiya Dadaamiya.

⁸ Amá ma ware una á manka wáyáva áte una ñanna, edda-aara diyaaka Dadaamiya. Adaba Dadaamiya slewáyáva.

⁹ Náwa názena a maraminaa Dadaamiya ba parakke, geni ñane wayamiwáyire: Ñane a belaa Egdza-aara palle ba ñane á sem duniya, geni á se vamite shifa á jirire.

¹⁰ Náwa názena á maramiya wáyáva á jirire: Miya gamiyevka emnde zunñwe ge wáyá

Dadaamiya, amá a wayámiyá ñane zuññwe. Ñane a naba belaa Egdza-aara geni á se emtsemtsa am duniya adaba miya, lauktu á yamiyaareye haypa-aha á miya.

¹¹ Slakate-aha-aaruwa, ba seke una ni a naba wayamitehe ge Dadaamiya na wá, miya keni sey mi wayaavewáye am dágave á miya ba shagera.

¹² Baaka ura ndza nanna Dadaamiya d'ekid'eki, amá má mí wayaavewáye am dágave á miya wá, Dadaamiya keni á njá antara miya. Daaci wáyáva-aara na a wayámiyaa an ñane na, á de njá am miya ba jirire.

¹³ Dadaamiya a naba vamite Shed'ekwe-aara. An una ñanna, diyamidiya ganakini má an ñane, ñane keni an'kwa an miya.

¹⁴ Ba miya an ice á miya namiyanna, Eddemiya a belaa Egdza-aara á sem duniya geni á se lya emnde. Mí balaterán ge emnde kina geni elva ñanna jire.

¹⁵ Ma a ndahesaa ware geni Yaisu *Egdza á Dadaamiya wá, Dadaamiya an'kwa antara ñane, ñane keni á njá á ba áte vuwa á Dadaamiya.

¹⁶ Ñere wá, diyanerdiya geni Dadaamiya wayan'erwáya. Fan'ertaarefe áte una ñanna. Dadaamiya ñane slewáyáva. Edda una á njá an wáyáva, ñane gevge slenja áte vuwa á Dadaamiya, Dadaamiya keni an'kwa antara ñane.

¹⁷ Náwa názena mi dise átekwa geni wayamiwáyá an Dadaamiya á ba an jirire: Una ñanna ba njá á miya am duniya, mí njá ba seke názá á Yaisu *Almasiihu. Daaci vaci shairiya, á de gazleka ervaun'de á miya d'ekid'eki.

18 Má Dadaamiya wayaawáyá ura, ɓaaka lyawa ge edda-aara ɗekidɗeki. Adaba wáyáva á Dadaamiya á janaaja lyawa baɗemme. Má ura á njá an lyawa wá, amaana: ba seke ɗane wá, aɗkwa bikere-aara ge ɗane ɗánaaɗa shairiya. Daaci má ura á njá an lyawa, á seska námpire á wáyáva á Dadaamiya arge ɗane ɗekidɗeki.

19 Miya wá, a wayaamiya ba Dadaamiya zuɗɗwe. Adaba una ɗanna wayamiwáya an Dadaamiya, antara wayamiyaavewáye am dáɗave á miya.

20 Má bánba edda-aara wayaawáya an Dadaamiya, amá á maga kelaadire áte egdza emmeɗara, ba fida á edda-aara. Adaba má edda-aara wayaaka an egdza emmeɗara na aɗkwa á zharaná an ice-aara, á de dzegwáná estara wáyá Dadaamiya na nánka ɗekidɗeki?

21 Náwa shairiya á Dadaamiya na mi shanaa miya ázeɗara, a ba ɗane: Edda una wayaawáyá Dadaamiya, sey a ewwáyá an egdza emmeɗara keni.

5

Fetarfire wá, sha midalire arge lámara á duniya

1 Ma a fetaara ware geni Yaisu wá, ɗane *Almasiihu, edda-aara egdza á Dadaamiya. Ma ware una wayetewáyá daada, á wayetewáyá egdzara-aara keni.

2 Náwa názena ni mi dise átekwa geni wayamiwáyá an egdzara á Dadaamiya: una

ɲanna, ba má wayamiwáyá an Dadaamiya, ira má mi fansaarefe am shairiya-aha-aara.

³ Má mí maga názena á baminá Dadaamiya am shairiya-aha-aara na wá, ɲane ɲara á mara una ni wayamitewáyá Dadaamiya á ba an jirire. Daaci shairiya-aha-aara keni á de jamiviyaareka.

⁴ Adaba bademme á egdzara á Dadaamiya, tá an ndzedfa jipu ge sha midalire arge lámara á duniya. Mí de sháná estara midalire ɲanna? Mí de sháná an fetarfire á miya na ni mi fetaare áte Yaisu Almasiihu na.

⁵ Ware edda una slemidala arge lámara á duniya? Sey ba edda una fetarfe geni Yaisu Almasiihu ɲane *Egdza á Dadaamiya.

*Seydire arge Yaisu *Almasiihu*

⁶ Yaisu *Almasiihu a sawhe á sem duniya, a demhe am yáwe á baptisma, a naba puwaa uzhe-aara áte dzaɲgala, a emtsehe. Sey ba a dema am yáwe-ka palle, amá a puwaa uzhe-aara. Shedekwe á Dadaamiya á ba an ire-aara a magaa seydire-aara geni una ɲanna jirire, ba kaɲgelaɲɲe. Adaba ɲane wá, á baterá ba jirire bademme ge emnde.

⁷ Aɲkwa duksa-aha keye tá maga seydire áte Yaisu, geni ɲane *Egdza á Dadaamiya.

⁸ Duksa-aha keye ɲanna wá, ba Shedekwe á Dadaamiya, antara yawe á baptisma, ira uzhe á Yaisu. Bademme á una-aha ɲanna, tá mára ba duksa palle.

⁹ Má emndimagwaha tá aɲkwa á magamiya seydire áte názena ta naaná itare, mí lyiya elva-aatare. Daaci diyaweddiye geni náza

á Dadaamiya wá, názena a maganaa ñane, seydire-aara jauje ge una tá maganá ba emnde. Adaba ba ñane an ire-aara una a magaa seydire an duksa-aha ñanna arge Egdza-aara.

¹⁰ Edda una lyevaalya Egdza á Dadaamiya wá, seydire á Dadaamiya na keni lyevaalya am ervaunġe-aara geni bademme jire. Amá edda una lyiyaaka seydire á Dadaamiya, a faare fidire ge Dadaamiya, adaba lyiyaaka názena a ndahanaa Dadaamiya arge Egdza-aara.

¹¹ Seydire á Dadaamiya ñanna wá, ñane a vamite shifa na á zleka na. Shifa ñanna wá, mí sháná áte erva an Egdza-aara.

¹² Daaci edda una anġwa Egdza á Dadaamiya am ñane, shánsha shifa ñanna, edda una baaka Egdza á Dadaamiya am ñane wá, shánka shifa.

Shifa na á zleka na

¹³ Ya puwakurte duksa-aha ñanna ge kure na fakurtaarefe áte *Egdza á Dadaamiya, ganakini kwá diyeddiye geni kertenġ anġwa shifa na á zleka na am kure.

¹⁴ Á katafke-aara, baaka lyawa á miya defkideki, adaba diyamidiya ba jirire geni, ma mí ñala ba uwe ázeñára keni, á cenamivaarcene, máki mí ñalaná áte namaari-aara.

¹⁵ Máki diyamidiya ganakini anġwa á cenami-varcene ma mí ñala ba uwe ázeñara keni wá, daaci diyamidiya geni á vamiteva duksa ñanna mi ñalanaa ázeñara ñanna.

¹⁶ Má ura nanna egdza emmenara á maga haypa, shagera ba á ñala Dadaamiya adaba ñane. Daaci Dadaamiya keni á de vante shifa ge

egdza emmenjara njanna. Amá anjwa haypa da ura á dem emtsa, ndanakurka ya geni njalaunjala Dadaamiya arge emnde na tá maga jeba á haypa njanna. Una njanna sey ba ge emnde na ta gu ba haypa na á dánka ura á dem emtsa na.

¹⁷ Bademme a shagerkire na tá maganá emnde na wá, haypa áza Dadaamiya. Amá anjwa haypa na á dánka ura á dem emtsa.

¹⁸ Diyamidiya geni ma ware keni, máki gevge egdza á Dadaamiya wá, á duka á de katafke an mága haypa-aha-aara, amá Yaisu *Egdza á Dadaamiya á tsufa ba njane. Daaci baaka názena á eksáná Shaitaine áte njane dfekideki.

¹⁹ Diyamidiya geni miya ma egdzara á Dadaamiya, amá emnde umele am duniya wá, bademme tá á ba am erva á Shaitaine.

²⁰ Diyamidiya geni Egdza á Dadaamiya a sawhe á sem duniya, a se vamitaa njane enjale geni mi diyeddiye Dadaamiya á jirire. Miya wá, gamiyevge emnde a njá an Dadaamiya á jirire adaba Egdza-aara Yaisu *Almasiihu, ba njane una Dadaamiya á jirire njanna, á vamita njane shifa na á zleka na.

²¹ Tsufautsufa ire á kure egdzara-aaruwa, magauka hele.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 25 Aug 2024 from source
files dated 29 Jan 2022

dec75dd5-4784-5059-aa00-668d508a6b0d